

საქართველოს სსრ-ის დემოკრატიული

რედაქცია

საგაზეთო მასალა უნდა იყოს დაწერილი გარკვეულად და ერთ გვერდზე. წერილში აღნიშნული უნდა იყოს ავტორის ვინაობა და მისამართი, დაუბეჭდავ წერილებს რედაქცია არ ინახავს. ინახება მხოლოდ დიდი მოთხოვნები.
რედაქცია ღიაა: დილის 9-2 საათამდე და საღამოს 5-7 საათამდე.
მისამართი: ქუთაისი, თფილისის ქ., ფიჩხაძის სახლი.

კანტორა

გაზეთის ფასი: ერთი თვით 50 მან. 3 თვით 130 მ. განცხადების ფასი: სტრიქონი პეტიტისა პირველ გვერდზე 2 მ. უკანასკნელზე 1 მ. 50 კ. ქალაქ გარედან მიღებული განცხადება ღირს ერთი ორად. სამგლოვიარო განცხადება: საშუალო ზომისა თითოჯერ არა უმეტეს სამი გამოცხადებისა 50 მ., 12 საათის შემდეგ 70 მ.
კანტორა ღიაა: დილის 8-2 საათამდე და საღამოს 5-7 საათამდე.
ფოსტის ადრესი: ქუთაისი ფოსტის ყუთი № 80.

სან საზოგადოებრივ საზოგადოებას

„შეპარდების“

გამგეობა ამით აცხადებს, რომ საზოგადოებაში წევრათ ჩაწერა შეიძლება ყოველ დღე სამრეწველო ბანკის შენობაში (ქალთა წმ. ნინოს სასწავლებლის პირდაპირ) ბ. გ. სვანიძესთან დილის 9 საათიდან ნაშუადღევს 2 საათამდე.

წლიური გადასახადი წევრთათვის 120 მან. მოწაფეთათვის, რომელიც 18 წელს აღემატებინ 60 მან. მოზარდთა და ბავშვთათვის 30 მან. შენიშვნა: მოზარდთა და ბავშვების გარდა საზოგადოების წევრები წლიური გადასახადის გარდა იხდიან კიდევ ერთ დროულ შემოსავლელ გადასახადს 10 მანეთს.

ვარჯიშობის დაწყების დღე ცალკე იქნება გამოცხადებული.
ვარჯიშთაფი დ. ჯავრიშვილი.
საზოგადოების მოლარე გ. ხვანიძე.

განცხადება.

ქუთაისის სამხედრო ბინათა დინსტანცია ამით აცხადებს, რომ ამა წლის 16 ოქტომბერს დაწინაურებულია

საჯარო ვაჭრობა საკვამლე მიწების

გაწმენდის იჯარის გაცემაზე სახანო შენობებში, რომელიც უკვეა ქუთაისის, ფოთის, ოზურგეთის და სოხუმის გარნიზონებს.
საჯარო ვაჭრობა მოხდება ყველა პუნქტების შესახებ ქუთაისის სამხედრო ბინათა დინსტანციის კანცელარიაში და ადგილობრივად გარნიზონის უფროსის კანცელარიაში დღის 12 საათზე.
შეჯიბრებაში მონაწილეობაში მიმღებმა უნდა წარმოადგინოს 2% მოთხოვნილ ფასისა და პირადობის საბუთები.
კონდაციების ნახვა შეიძლება ყოველ არა უქმე დღე 8-დან 2 საათამდე.
1-1

სამოსწავლავლო სრულსწავლიანი

კურსები დეკ. მ. კელენჯერიძისა

გაიხსნა ქუთაისში მთავრობის ნებართვით. ამზადებს და წოდებას აძლევს I და II კლ. სახალხო მასწავლებლებს.
3-2

დაგეგმვა უვადო პასპორტი მიღებული მოსკოვის საგარდონაჩალიკოდან 1917 წ. 10 მაისს, მოწმობები. ერობათა კავშირის წითელი ჯვრისა და სამხედრო კანტროლის პირველი კავკასიის კავალერიის კორპუსის. მნახველს ვსთხოვ შემოიტანოს გაზ. „ჩვენი ქვეყნის“ რედაქციაში.
სილოვან სიმონის ძე ქეიშვილი.
1-1

დიდი საჩუქარი

სოციალ-დემოკრატიული მთავრობის მიერ შექმნილი პირობებისა გამო საქართველოში ყოველივე სამშენებლო საქმე შეწყვეტილია.

გვაქვს თუჯის ქარხანა, მაგრამ არ მუშაობს. გვაქვს ნავთის ჩამოსაქაჩავი ქარხნები, მაგრამ არ მუშაობენ. გვაქვს საქსოვი ქარხნები, მაგრამ უქმათ არიან.

რკინის გზით საქონლის გადაზიდვა ვერ მოწესრიგდა: ნატანებიდან ქუთაისამდე მეტადა ღირს ვიდრე კონსტანტინეპოლიდან ნატანებამდე გადაზიდვა!

მტკირთველი მუშების კავშირები თვითონვე აწესებენ თავის ხელფასს.

რკინის გზის მოსამსახურეთა კავშირი თვითონვე აწესებს შტატს, ნიშნავს მოსამსახურეებს, აწარმოებს

გასამართლებას, კისრულობს ადმინისტრაციული ფუნქციების ასრულებასა და სხ.

ერთი სიტუციით რკინის გზა წარმოადგენს სახელმწიფოს სახელმწიფოში!

ფოთში საქონელი ვეღარ შექმოსულა, ერთი მხრით, რადგან მუშათა კავშირი მეტად ბევრს თხოვლობს გადმოტვირთვაში და, მეორე, შემოტანილი საქონლის პატრონი 12 პროც. იხდის ზედმეტს. საქართველოში შემოტანილ საქონელზე დადებული ბაჟებმა ხომ ყოველსავე ზომას გადაამეტეს.

დაუმატეთ ამას კიდევ ის, რომ კაპიტალისტს არ შეუძლია, როცა საქირთა, მუშათა რაოდენობა შეამციროს; თვითვე მუშას სამი თვის ქირა უნდა მისცეს სალიკვიდაციოდ! ამავე დროს მუშას გაფიცვის დროს ხელფასი არ ეკარგება!

ადგილად გასაგებია მაშასადამე, რატომ უფროსიან კაპიტალისტები რომელსამე წარმოებაში ფულის ჩაყრას.

ცხადია, რომ საქართველოში, ვიდრე პირობები არ გამოიკვლება, არა თუ არ შემოვა უცხო კაპიტალი, არამედ, პირიქით, საქართველოდან კაპიტალი თანდათან გადავაადვირბეიჯანში, სომხეთში ანუ სპარსეთში.

საბედნიეროდ ერთად-ერთი საქონელი, რომელსაც შეუძლია გადალახოს ხსენებული დაბრკოლებანი, შავი ქვაა.

ბუნებამ მოგვანიჭა ეს დოვლათი, თვინიერ რომლისა ფოლადისა და რკინის წარმოება-შეუძლებელია.

ევროპისა და ამერიკის წარმოება დამოკიდებულია შავ ქვებზე. საუკეთესო ხარისხის შავი ქვა და მისი უმეტესი რაოდენობა კი-საქართველოშია.

მაშასადამე შავ ქვას შეუძლია მოიხილოს ევროპიდანა და ამერიკიდან ოქროცა და ყოველგვარი სხვა საქონელიც.

ოღონდ კი შავი-ქვის გაზიდვა მოვაწყოთ!

უკვე გადადგმულ იქნა ნაბიჯი ამ საქმის მოწესრიგებისაკენ. შედგა შავი ქვის სააქციო ამხანაგობა, რომელიც

მელმაც ინგლისის მდიდარი სავაჭრო სინდიკატისაგან ორასი ათასი გირვანქა სტერლინგი მიიღო ავანსად.

ამ საქმეს რომ არაფერი აბრკოლებდეს, შავი ქვა ჩვენს ვალიუტას დაედებოდა საფუძვლად.

რადგან შავი-ქვა პრივილეგიური საქონელია, მთავრობას აქვს უფლება შავი ქვის ამხანაგობას წმინდა მოგების ნაწილი გამოართვას და ქართული ქალაქის ფულის უზრუნველმყოფელ ფონდად შეინახოს.

მაგრამ მთავრობამ ზომიერება უნდა დაიცვას და სააქციო ამხანაგობას იმდენი არ უნდა მოსთხოვოს, რომ წარმოებაზე ხელი ააღებინოს.

სამწუხაროდ მთავრობა ამხანაგობას წმინდა მოგების ისე დიდ ნაწილსა სთხოვს, რომ ამხანაგობას სამი ოთხი პროცენტიც კი აღარ დარჩება.

მაშასადამე თითქმის ტყვილა უნდა გააცდინოს თავისი კაპიტალი!

ამხანაგობა, რასაკვირველია, თავისი ხელით თავს არ დაიკლავს და წაიკვებ საქმეში ფულს არ ჩაჰყრის.

და, როგორც ამბობენ სააქციო ამხანაგობა ამ დღეებში თავის საქმეებს ლიკვიდაციას უპირობს.

ამით დაავიწყებინებს თავის ნაყოფიერ (!) მოღვაწეობას ფინანსთა სამინისტრო!

ნესტარი.

ორი საზრთო.

ჩვენს თავისუფალ და დამოუკიდებელ რესპუბლიკას დღეს ორი რამ აწუხებს: გარეშე მტერთან უთანხმოება და შინაური მოუწყობლობა. ეს ორი საგანი ორივე არსებითა და ორივეს თუ ანგარიში არ გაუწიეთ და რიგზე არ მოვაწყვეთ ისე ჩვენი განცდილი ტანჯვა-ვაება და თავისუფლების მოსაპოვებლათ დახარჯული შრომა უნაყოფოთ ჩივილის და ბოლოს ისევე მძიმე მდგომარეობაში ჩავევარდებით.

გარეშე მტრებისაგან მოსალოდნელი მარცხი არა ერთხელ და ორჯერ აგვმორდა, ამ შემთხვევაში ჩვენ გვიცავს ვარემოებათა ვითარება. საქმე ისე ეწყობა, რომ მტერს ხელი ეშლება და მისი მისწრაფება ჩვენდა გა-

დღიური.

საქართველოში ინგლისელთა ჯარი იგზავნება.

ყუბანის რაიონს დენიკინის დიქტატურის აღიარებაზე უარი განაცხადა.

დენიკინელთა და ყუბანის ყაზახთა შორის უთანხმოება ძლიერდება.

პუანკარე ინგლისში გაემგზავრა.

თურქესტანში ბოლშევიკები წინ მიიწევენ.

სანადგურებლათ და მოსასპობლათ მიმართული უნაყოფოთ მიდის.

ვინც ჩვენი გაუბედურება მოინდომა ის თვითონ გაუბედურდა. უწინდელს რომ თავი დავანებოთ წარმოვიდგინოთ ახლანდელი ამბები. წამოგვესინათ თათრები და გარემოებამ უცებ სიმწარეში ჩააგდო, მოკავშირე მტრათ გადაექცათ და მოწინააღმდეგეს ხელში ჩაუვარდნენ. შემოგვიტია რუსეთმა და განგებამ შიგნი ისეთი ცეცხლი დაუნთო, რომ ლამის შიდ ამოიწვას და სხვისი კი არა თავისიც ოხრათ დარჩეს. გვიდალოტეს სომხებმა და თავს მეტი აზარალებს, ვინც ჩვენ. ასეა თუ ისე ჯერჯერობით გარემოება გვიფარავს და მოსალოდნელია კიდევ დაგვიფაროს, რადგან ჩვენ მტერს შინაური უბედურება თანა სდევს. ამ მოვლენის ახსნას არ შეუძლებით, მაგრამ ფაქტი კი ასეთია. რა თქმა უნდა გონიერი პოლიტიკა შემთხვევას ვერ დაეყარება, მაგრამ დროებით ასეთი ხელის შემწყობი მიმდინარეობა საგრძნობლათ წაგვწყვეს წინ.

მეორე მხარე საიდანაც ხიფათი მოგველის არის შინაური მოუწვობლობა. სამუშაოთ სახელმწიფოებრივი მანქანა წესიერათ ვერ ავამუშავებთ. შედროება დაშლილია, სამართალი სუსტია, ადმინისტრაცია მოუწყობელია, მეურნეობა დაცემულია. ყოველივე ამას ემატება აუტანელი სიძვირე. ეს ისეთი მოვლენაა დღეს მთელ ქვეყანაზე და განსაკუთრებით ჩვენში, რომ მისი გაგებაც კი უჭირს ცხოვრების მეთაურებს. სიძვირე დღითი დღე იზრდება, მთავრობაც და ხალხიც მიჭირებიათ და ვუყურებთ თითქო ეს უბედურება ჩვენს გარეშე იყოს და ჩვენ ამაში წილი არ გვედვას. ამ სიძვირის მიხეზების გამოკვლევა და მისი მოსასპობი ზომების მიღება მთავრობის მოვალეობაც იყო და ხალხის მოთხოვნილებაც, მაგრამ შეგვიძლია ვსთქვათ, რომ დღემდე ჩვენში ამ საგანზე არც საფუძვლიანი რამ დაწერილა და არც მთავრობაში გადაწყვეტილა. ყოველივე რაც ამ ნიადაგზე კეთდება, კეთდება სხვათა შორის, მეორე ხარისხიდან, სინამდვილის გაუთვალისწინებლათ.

მთავრობამ და თანაც ხალხმა ჯერ ვერ გაიგო საიდუმლოება ამ სიძვირის თანდათანობითი ზრდისა და ფულის ღირსების დაცემისა.

საკმაოა ავიღოთ ერთი გზა, რომელსაც ადგია მთავრობა და თანაც ხალხი, რომ დავრწმუნდეთ რა გაუგებრობაა ამ საქმეში. სიძვირეს მთავრობა ებრძვის მოხელეთა ჯამაგირების მომატებით და მომუშავეთა სასყიდლის გადიდებით. ეს გზა აიძულებს მთავრობას ფულის რაოდენობა გაადი-

დოს, ეს კი აიძულებს ყოველ მშარობებელს და რაიმე ნივთიერების გამყიდველს რამ ყველაფერზე ფასი ასწიოს. ყველაფერზე ფასის აწევა ხელმეორედ აიძულებს მოხელეთა და მომუშავეთ სასყიდლის მომატება მოითხოვონ, ამ მოთხოვნის დაკმაყოფილება იწვევს კიდევ ფასების შეცვლას და ასე; ერთი წლის განმავლობაში ათჯერ იცვლება სასყიდლის რაოდენობა, იმდენჯერ იცვლება ნაწარმოების გადაფასებაც, რამდენათაც ფულის რაოდენობა მატულობს, იმდენათ მისი ღირებულება კლებულობს. მეორე მხრით რამდენათაც ფულის ღირებულება კლებულობს, იმდენათ ნაწარმოების ფასი მატულობს. ყოველგვარი მომატება საქმეს აბრკოლებს და არ აკეთებს.

ასეთ ფინანსურ სისტემას არ შეუძლია არც ხაზინის გაძლიერება და არც მცხოვრებთა მდგომარეობის გაუმჯობესება.

ეგვემ თვალსაჩინოთ მტკიცდება გადასახადის საკითხში.

მთავრობა ხაზინის გასაძლიერებლათ აიძულებს გადასახადს მართლაც ერთი მხრით გადიდებული გადასახადი ხაზინას მეტ თანხას მისცემს, მაგრამ გადასახადი ცხოვრებას გააძვირებს, რადგან გადახდელი ამას ისევ მუშტრისაგან აიღებს და ამ მუშტართა უმეტესობა კი ისევ ხაზინას მოსთხოვს ამ ზედმეტ საშვალეობას.

როგორც სამუშაო ფასის მომატება და მოხელეთა ჯამაგირების გადიდებაში ისე გადასახადების გაორკეცება გაათკეცებაში ფინანსური პრიციპი არ მუშაობს და მთავრობა უფრო და უფრო იჭივრებს საქმეს და რაღაც უცნაურს იშვადებს. მომატებაში არ არის დაკმაყოფილება. დროა ამას მიხედვს მთავრობაც და თვით მუშაც.

ტრიფონ ჯაფარიძე.

პრესა.

მართველი პარტიის ორიენტაცია დღემდის გამოურკვეველი იყო. ვერ აღგენ ერთ გარკვეულ გზას. არჰქონდათ გათვალისწინებული საერთაშორისო მდგომარეობა. ვერ შეეგნოთ თვით საქართველოს მდგომარეობა და მისი ბედი, მომავალი.

თვით მართველ წრეებშიდაც არ არსებობდა ერთი აზრი, ერთი მიმართულება. ზოგს ისევ წითელი რუსეთისაკენ ეჭირათ თვალის. დარწმუნებული იყვნენ, რომ აღსდგებოდა სოციალისტური მთლიანი რუსეთი, რომელსაც საქართველოს ბედიც მას დაუკავშირდებოდა. მათ მოწინააღმდეგენიც ჰყავდათ და ამ რიგად მართველ წრეებშიდაც არსებობდა პო-

ენტაციის არეც დაშენა. წვის, წვის რე-როგორმ; ისეთი მისი სამ-რევიველ მდგომარეობა, დი-აქვს დ-ოურკვევლობა უკვე მიეშუ-ლესია. ჯგუფ-თავილ დარწმუნებულა, რომ თ-გაი-ვისი ქველი აღარ არის. რომ რ-ბვე-ნილ-ოლშევიკების, ისე დენი-კის-ების გამარჯვება საქართველოს საშინელ აზრდის და სრულ განადგურებას უშვადებს და სწერს:—

„და ეს რუსეთის საშინელი აზრ-დილი და ევროპიულ ცხოვრების სფეროში შესვლა აიძულებს ქარ-თველ ხალხს ეძიოს კულტურული მოკავშირე, რომელიც თითონაც ისარგებლებს ჩვენი მეგობრობით და ბუნებრივი სიმდიდრით და ჩვენც გაგვიადვილებს ბარბაროს-თაგან თავდაცვას.“

საქართველოს დამოუკიდებლობის გამოცხადება მართველი პარტიამ მაშინ აღიარა როდესაც ჩვენს ქვეყანას საფრთხე მოელოდა. ნაშალადევი იყო ჩვენი განთავისუფლების აქტი. მაგრამ ეს მაინც მოხდა. სამაგიეროთ ჩვენში არაფერი გაკეთებულა. დღემდის მთავრობამ ვერ გამოსძებნა ისეთი მოკავშირე, რომელიც შეეცდებოდა ჩვენი ქვეყნის დაცვას. ამისათვის არც კი უუჭირა და როდესაც საქართველო საფრთხის წინაშე დადგა, „ერთობა“ ხმა ამოიღო.

დღეს გვემის „ერთობის“ პუბლიცისტების ორიენტაცია და მართველი წრე-აზრიც თუ ასეთია,— დაჩქარებით უნდა შეუდგენ საქმეს და ევროპის სახელმწიფოთა შორის გამოიხანონ, ესეთი მოკავშირე, რომელიც დაიცავს ჩვენს დამოუკიდებლობას და წინ აღუდგება იმ საფრთხეს, რომელიც კარზე გვადგია.

მოწამეთობა.

დღეს მოწამეთობაა. ხალხს უყვარს მეტადრე ის დღესასწაულები, რომელნიც ქრისტიანობისათვის ბრძოლას მოაგონებენ. ასეთი დღესასწაულია მოწამეთობა.

ქართველი ერი ორი ათასი წლის განმავლობაში იბრძოდა ქრისტიანობისათვის. და ამ ხანგრძლივი ბრძოლიდან გამარჯვებული გამოვიდა...

რა არის ქრისტიანობა? ეს—ევროპიული ზნეობა და კულტურა, ე. ი. აზიური ზნეობისა და კულტურის უარყოფა.

ბრძოლა ქრისტიანობისათვის იყო ბრძოლა მრავალ-ცოლობასთან, ქალის კარჩაკეტილობასთან, მაჰმადიანურ ვიწრო ფანატიზმთან, განათლებების ჩამორჩენასთან, ინტერნაციონალური ძმობა-ერთობის უარყოფასთან, ევროპასთან კავშირის შეწყვეტასთან...

წაიკითხეთ ჩვენი ძველი მწერლობა და დარწმუნდებით, რომ ქართველი ერი ქრისტიანობას უკავშირებდა ერთცოლობას, ქალისა და კაცის თანასწორობას, საერთაშორისო ერთობასა და ძმობას, ევროპასთან კავშირს,

აზრის თავისუფლებას, სხვისი აზრის პატივისცემას, ე. ი. აზრის თავისუფლოდ უდევს თანამედროვე კულტურასა და განათლებას. ამისთვის იბრძოდა ქართველი ერი და ამიტომ ახსოვს სხვათა შორის მოწამეთობაც, რომელიც არაბებთან ბრძოლის ორი გმირის— დავით ბ კონსტანტინეს — პატივისცემასთან არის დაკავშირებული.

გახილ წერეთელი.

ინგლისის ჯარები

საქართველოში და აზერბაიჯანისათვის.

კონსტანტინოპოლიდან მიღებული ცნობებით, მოკლე ხანში საქართველოში და აზერბაიჯანში უნდა გამოიგზავნონ ბრიტანეთის ჯარები. უკვე შემდგარა განსაკუთრებული დივიზია 10 ათასი მოხალისეთაგან, რომელნიც მოკლე ხანში გამოიგზავნებიან. ამიერკავკასიაში მყოფ ჯარების მთავარ სარდალად დანიშნულია გენ. ბროფი, რომელსაც მოკლე ხანში მოელიან კონსტანტინოპოლში.

ახალი ამბავი

ქუთაისი.


საურთიერთო ბანკის საბჭომ და გამგეობამ განსვენებული გიორგი ქუბაბიას სახსოვრად გადასდო 1000 მანეთი; ვერაგულათ მოკლული პარზენ თვალჭრელიძის ოჯახს მისცა 500 მანეთი და დაავთმყოფებულ ყოფილ დარაჯ წერეთელს 500 მანეთი, ლეოვიჩის ქვრივს შეაწია მცირე ფალი რომელიც მაზვდ ირიცხებოდა.

სატარიფო პალატა და ჯამაგირების მომატება. მოკტომბერს თბილისში სატარიფო პალატამ განიხილა მუშების მოთხოვნილება ჯამაგირების მომატების შესახებ. ამ საკითხს პალატამ მთელი სხდომა მოანდომა და გამოიტანა შემდეგი დადგენილება:— „რადგანაც სამუშაო ფასის მომატება არ აუმჯობესებს მუშა კლასის მდგომარეობას, მუშათა სექცია აღდგენს:—

წინადადება მიეცეს მთავრობას გადასდოს სატარიფო პალატასთან არსებულ ფონდის გასაძლიერებლად არა ნაკლები 1000 მანეთისა თითო მუშაზე. დავალოს მწარმოებლებს ამ ფონდის გაძლიერებაში მონაწილეობა მიიღონ.

ქუთაისის ვაჟთა II-რე გიმნაზიის დირექტორმა ს. ხუნდაძემ ქალაქის ადმინისტრაციას შემდეგი მიწერილობა გაუგზავნა: „საჭიროთ ვსთვლი გაცნობოთ, რომ პირადობის მოწმობები, რომოლიც ჩემდამი რწმუნებული ვიმნაზიის მოსწავლეებს დღემდე 1919 წლის ოქტომბრამდელი ქონდა მიცემული გაუქმებულად უნდა ჩაითვალოს კანონიერად უნდა იქნეს ცნობილი მხოლოდ ის მოწმობები, რომელიც მოსწავლეებს მდგომარე სასწავლო წლის ოქტობრიდან ექნება მიღებული.

მოწამეთობა. დღეს 15 ოქტომბერს მოწამეთის მონასტერი მო-



წამეთობას (დიდი მოწამებების დავით და კონსტანტინეს დღეს) დღესასწაულობს. დღეს მოწამეთის მონასტერიში მწირველი იქნება ქუთათელი მიტროპოლიტი ნახარი.

ქუთაისიდან გელათის სადგურამდის მლოცველებისათვის დანიშნულია შემდეგი სამგზავრო მატარებლები: 1) დილით 5 1/2 საათზე ეს მატარებელი ხრესილამდის გავა. 2) დილის 7 ს. და 50 წ. გელათამდის. 3) 8 1/2 საათზე. 4) 10 ს. და 40 წ. 5) 12 1/2 ს. 6) 2 1/2 ს. 7) 5 1/2 ს. უკანასკნელი მატარებელი ქუთაისში საღამოს 9 ს. დაბრუნდება.

სახლის ჩამორთმევა. ხონის ქალ. თვითმართველობამ ვეკილ ლუკა ბახტაძეს მაშინ, როდესაც უკანასკნელი ადმინისტრაციული წესით ციხეში იხსნა ხონელების საჯარო თხოვნის მთავრობასთან წარდგენის განზრახვისათვის, — რეკვიზიციის წესით მილიონად ღირებული ერთადერთი საცხოვრებელი სახლი თექვსმეტი ათას მანეთად ჩამოართვა. პატივცემული ვეკილი უბინობის გამო იძულებულია ხონიდან გადასახლდეს.

ავაზაკების მსხვერპლი. ამ ერთი თვის წინეთ მედროგე ბიჭია ჭელიძე თავისი ცოლით რაჭაში მიდიოდა. ნამხვანს იქით გამოურყვეველ მიზეზის გამო მეეტლემ „ლინეიკა“ გზაში გააჩერა. ამ დროს ავაზაკებმა სროლა ასტყეს. მოკლეს ბიჭია და მძიმეთ დასტყეს მისი ცოლი. ხალხი და მილიცია დროზე გაჩნდა, რის გამოც ავაზაკებმა ფულის წაღება ვერ მოასწრეს.

სამეურნეო იარაღები. ლანიჩკიტირის თემი სთხოვს ქუთაისის სა-

არხის გაკეთება. შაბათს, 11 ოქტომბერს ქუთაისის ქალაქის გამგეობის წევრმა ალ. ჯაფარიძემ, ქუთაისის ინჟინერმა აბაშიძემ და სანიტარულმა ექიმმა ლორთქიფანიძემ ინახულეს რიონის სადგურზე საქართველოს რესპუბლიკის რკინის გზების უფროსი ბ. კანდელაკი და მასთან მოლაპარაკება ჰქონდათ სიბინძურის სადენი არხის გაყვანის შესახებ, საფირჩხიის რაიონიდან ბალახვანის ქუჩით მოლაპარაკებამ სასურველი შედეგი მოიტანა.

მაზრო ერობას შეიძინოს მათთვის სამეურნეო იარაღები.

ინჟინერი კარპოვი ქუთაისის ხონის რკინის გზის საქმეებისთვის გუშინ გაემგზავრა თფილისში.

დანიშვნა. ბაღდადის რაიონში დროებით აგრონომის თანამდებობაზე დანიშნა გ. ჯანდიერი.

მეფუტკრეობა. წელს ქუთაისის მაზრაში ფუტკრის მუშაობა სუსტი იყო უამილობის გამო, გამონაკლისს შეადგენს ზეკარის რაიონი, სადაც თითო ბუკში საზამთროთ დაუტოვებიათ ფუთი თაფლი და ფუთი გასაყიდათ ამოუღიათ.

ქალაქის გამგეობის დადგენილება. ქუთ. ქალაქის გამგეობამ დაადგინა, რომ იმ მილიციონერებს, რომელიც შტატის შემცირების გამო დათხოვნილი იყვნენ, მიეცეს სალიკვიდაცია ფული.

თავდასხმა. სამტრედიაში 7 ოქტომბერს საღამოს 9 საათზე ეგ-

დარღიანობა: ვნულ ლ თოვაუი

ქარიშხალმა მდელ... ლეები გათელა. ზეცის საკანდლოში... თისი ციციანთელა. ო, რაც იყო წუხელი... მუდამ მომავონდება: ათასი ხმის წუხილი, ათასი ხმის გოდება!

გავალ ყვითელ თოვაში... ახ რარიგათ ცვივიან... ველარაფერს მოვაშენ. ირგვლივ რა სიცივეა!

მომენტრა ბაღები, სულის გადაშვიდება... მომე ნატრაბახები-ზეცავ ჩემი დადება!

თორემ არსად მეღიან, თორემ არ მაქვს ბინები. ბინა გამომეღია, — ასე გეპქვითინები!..

ქარის შეუპოვრებამ მძაფრი ვნებით დაბერა. შემოდგომის ცხოვრებამ ყვითლად ჩამომაბერა!

1918 წ. შემოდგომა.

შ. კარმელი.

ნატე კობალეიშვილს თავს დაესხნ ბოროტ გამზრახველნი — წაიღეს ნიკოლოზის საკრედიტო ბილეთები 3500 მან. დასაქვრათ მიღებულია ზომები.

გაცარცვა. სოფ. ვავსტიბში 8 ოქტომბერს ნიკოლოზ ცანავამ გაძარცვა ნიკოლოზ იოსელიანი, რომელსაც წაართვა რევოლვერი და საათი.

თეატრი. ხვალ 16 ოქტომბერს ქალაქის თეატრში ქართული დასის მიერ წარმოდგენილი იქნება „ჰამლეტი“.

ნაკვთები.

VIII

ღვთის მორწმუნენი.

საქართველოს დემოკრატიული რესპუბლიკის დემოკრატიულმა მთავრობამ სარწმუნოების დემოკრატიზაცია შემოიღო.

შეამცირეს: დღესასწაულები და უქმე დღეები. დღესასწაულები და უქმე დღეები ბურჟუაზიის განცხრომის დღეები არის.

ასე მსჯელობს დემოკრატიული მთავრობა.

სოციალ-დემოკრატიულ პარტიას კი უქმე დღეები კონტრ-რევოლიუციონერთა ზეინის დღეთ მიაჩნია.

იმასაც ასაბუთებდენ, რომ მუშათა კლასს უსაქმო დღეები ისე ეგავრებათ, როგორც ბურჟუას მუშა და მუშას კიდევ ბურჟუა.

მუშას მუშაობა სწყურია!..

ეზიზდება ტყვილა ყოფნა, რადგანაც იგი შრომის შვილიაო. —

ამტკიცებდა ვინმე გურული — დემოკრატიული რესპუბლიკის დამფუძნებელი კრების წევრი.

უცხოელები ამტკიცებდენ, რომ ქართველი ხალხი, — უსაქმო ხალხთა შტოს ეკუთვნისო.

შემცდარი აზრია.

საქართველოში ერთი კლასი მაინც მოიპოვება, რომელიც საქმით არის დაინტერესებული და მუშაობს:

როგორც საქმი დღეს ისე უქმითაც, როგორც დღით ისე ღამით!

ეს მთავრობამაც გაითვალისწინა. და დღეს, რომ დღესასწაულია, მოწამეთობა, უქმე დღეთა რიცხვიდან ამოშალა.

მუშები აიძულეს, — ამ დღეს ემუშავათ.

მაგრამ როგორც სინამდვილიდან გამოირკვა მუშებს ჯერ კიდევ არ დაუვიწყნიათ ღმერთი — სარწმუნოება.

გუშინ ქუთაისში ბექვდითი საქმის მუშათა კრება იყო.

ყველა დაესწრო.

და გამოიტანეს რეზოლიუცია:

„გამოეცხადოს მთავრობას პროტესტი რომ მოწამეთობა უქმი დღეებიდან ამოშალა. ამ დღეს ყველამ ვიუქმოთ და მთავრობას მოვთხოვთ, რომ რვა საათის ნაცვლად შემოღებულ იქნეს ექვსი საათის სამუშაო დღე“.

ეს რეზოლიუცია პირდაპირი მავთულით ეცნობა მთავრობას.

რა გზას დაადგა ამის შესახებ თვით მთავრობა ჯერ ცნობა არ მიგვიღია.

მაგრამ დანამდვილებით ამბობენ, რომ ამის შესახებ დახურულ კარებში, სოციალ დემოკრატიულ ფრაქციას, დახურული სხდომა ჰქონიათ.

ცხარე კამათის შემდეგ ხმის დიდი უმრავლესობით მიუღიათ ასეთი დადგენილება:

„ეცნობოს შრომის მინისტრის ამხანაგს, რამეს და სამინისტროს მდივანს გოლდმანს, რომ ბექვდითი საქმის ქუთაისის მუშები განდევნილი იქნენ მუშათა კლასიდან, გადაირიცხონ ბურჟუაზიულ ბანაკში და მათი მოთხოვნილება არასოდეს დაკმაყოფილებული არ იქნეს“.

ასე დასაჯეს ღვთის მორწმუნენი! ამის შესახებ ჩვენში ორი მიმართულება გაჩნდა.

ერთი მუშებს ამართლებს. მეორე კი მთავრობას.

არ ვიცი რომელია მართალი. მაგრამ...

ოი მაღალო!

შენ დაიხსენ საქართველო როგორც პიროველის, ისე მეორისაგან.

კაინი.

სამართველოს და აზერბეიჯანის დელეგაციის ნოტა საზავო კონფერენციას.

პარიზი, 24 ივლისი 1919 წ.

პარიზის საზავო კონფერენციის თავმჯდომარე ბ კლემანსოს.

ბატონი თავმჯდომარე!

როდესაც საქართველოს და აზერბეიჯანის რესპუბლიკები დასდგენ ვერეთ წოდებულ მოხალისეთა ჯა-

რის შემოსევის საფრთხის წინაშე, მათ საჭიროთ დაინახეს 16 ივნისს დაედოთ ერთმანეთთან ხელშეკრულება (თავდაცვის) შემოქმედების ნაწილები მიღების შესახებ წინადადებით მიმართეს სომხეთსაც.

გაახლებთ რა ამასთანავე ხელშეკრულების პირს, ჩვენ გთხოვთ აღნიშნოთ სოლიდარობა მიერ-კავკასიის ერთა შორის, რომლის ცხადი დამატუკიცებელია 16 ივნისის ხელშეკრულება.

ჩვენ ვიმედოვნებთ, რომ ხელშეკრულება, რომელსაც საფუძველად უდევს მხოლოდ თავდაცვა, არ იქნება განხილული როგორც სამხედრო გამოსვლის აქტი.

ამიერ-კავკასიას, რომელსაც მფარველობენ მოკავშირენი, აშორდება თავდასხმა, მოკავშირეთა სახელმწიფოების დენიკინის მოქმედებისადმი თვალყურის დევნების წყალობით.

მეორე მხრივ საჭიროა ხაზგასმით აღნიშნოს განსაკუთრებით ხელშეკრულობის § 4-რომელთაც ხელშეკრულობის დამდე მხარეები სწყვეტენ ტერიტორიალურ საკითხს საერთო შეთანხმებით ან და არბიტრაჟის საშუალებით.

ამ გვართ შეიქმნა სოლიდარობის ბაზა ორ მეზობელ ერის, საქართველოსა და აზერბეიჯანის შორის ტერიტორიის განსაზღვრით.

გთხოვთ შემონათქვამი გადასცეთ მოკავშირეთა სახელმწიფოს უმაღლეს საბჭოს.

დასასრულ ვსარგებლობთ შემთხვევით დაგიმოწმით თქვენ, ბ. თავმჯდომარე, ჩვენი პატივისცემა.

საქართველოს დელეგაციის თავმჯდომარე ჩხეიძე.

აზერბეიჯანის დელეგაციის თავმჯდომარე ტობჩიბაშევი.

დეკეშევი.

(საქ. დეპ. სააგენტო)

13 ოქტომბერი.

გერმანული პრესის ცნობები.

ბალტიის პროვინციებიდან გენ. ფონდერ პოლცი იუწყება, რომ ჯარის ერთი პოზიციიდან მეორე პოზიციასზე გადაჯტყფებას ბევრი დრო სჭირდება. დარჩენილ ჯარისკაცებისათვის სურსათის მიცემა შესწყვეტეს. პარიზიდან მოსული ცნობების გამო, რომ ფოში ჯარის დამოუკიდებლობის თავის გამართლებას საკმარისად არ სცნობს „ფორგერტი“ სწერს: „გამარჯვებული მოკავშირეების ქვეყნები ფიქრობენ, ყველაფერს მუქარით მიაღწიონ. ძლიერ სასურველია, რომ ეხლახან დაწყებული გენერალ პოლცის ჯარის გადაჯტყფება, რაც შეიძლება მოკლევანში მოხდეს, მოკავშირეების მხრით ყოველგვარ დაუხმარებლად.

მთიანეთა აჯანყება.

დადესტანში.

ბრძოლა დერბენტის რაიონში გრძელდება. დენიკინელებთან ბრძოლაში სახალხო ხასიათი მიიღო და მასში მონაწილეობას იღებს მთის მთელი მამაკაცობა. მთიელები სრულიად შეკავშირებული არიან და სამხედრო მოწყობილობაც აქვთ. მხოლოდ თბილი ტანისამოსის ნაკლებობას განიცდიან, რადგანაც მთაში ზოგ-ზოგ ალაგას უკვე თოვლი მოვიდა. საექიმო დახმარებაც სუსტია.

მიმოსვლა პრობლადნაია პეტროვსკის შუა.

კარგა ხანია, რაც პრობლადნაიასა და პეტროვსკის შუა მიმოსვლა შესწყდა. რკინის გზებზე მხოლოდ ჯავშნიანი მატარებლები დადიან.

პეტროვსკში.

პეტროვსკიდან ჩამოსულ პირთა გადმოცემით, იქ გარნიზონი შეტათ აღელვებულია დაღესტნელების მოქმედებით. მოხალისეთა აფიცრები გაიძახიან, რომ ისინი არ მოითმენენ დაღესტნელების და ჩინების „საშინელ და ბოროტ ბუნტს“. ჩვენ ვაჩვენებთ როგორ უხდის თავის მტრებს მოხალისეთა ჯარი იმ მტრებს, ვინც ზურგში გვესხმისო. გაიძახიან, რომ 25 ჰაეროპლანი მოგვივა და ვედენოს ყუმბარებით გავავსებთო. (გვ. გ“).

მთიელები და მოხალისეთა ჯარი.

მოხალისეებს განზრახვა აქვთ შესცვალონ თავიანთი პოლიტიკა მთიელების მიმართ. ის იმედები, რომ მთიელები მათ დახმარებას გაუწყვენ ბალშევიკების წინააღმდეგ, არ გაუმართლდათ. იმის მაგივრათ, რომ მთიელები შეებრძოლონ ბალშევიკებს, ისინი ან გარბიან, ან და წითელ არმიელების მხარეზე გადადიანო. მოხალისეებს სურთ გაიყვანონ თავიანთი ჯარები მთიელთა ტერიტორიიდან, უზრუნველყონ თავიანთი ჯარები ნავთით და მთიელთა კითხვის გადაწყვეტას დაუბრუნდნენ მაშინ, როცა დამარცხდება რუსეთის ბალშევიზმი.

უცხოეთი

(„საქ“. საკუთ. წყაროებიდან).

თავდასხმა კრონშტადტზე.

ინგლისის ავიატორები განაგრძობენ თავის თავდაფრენას კრონშტადტზე უკანასკნელ ხანში ავიატორებს 4 ათას ფუთამდე ასაფეთქებელი ნივთიერებანი ჩამოუყრიათ კრონშტადტში.

ნორვეგია ერთა ლიგაში.

ნორვეგიას ერთხმად გადუწყვეტია შესვლა ერთა-ლიგის შეპადგენლობაში.

პოლონელ მთავარ ხარდლის აზრი ბოლშევიკებზე.

პოლონეთის ლაშქრის მთავარ-სარდალს გენერალ პოლიუცკის ბოლშევიკთა შეიარაღებულ ძალთა შესახებ შემდეგი აზრი გამოუთქვამს „ჩვენ ღრმად ვართ დარწმუნებული ყოველ თითოეულ შეხლაში დავამარცხებთ ბოლშევიკებს, ვინაიდან მათი სარდლობა მოიკოჭლებს და სტრატეგიასთან ძალიან მწყურალათ გახლავან, თუმცა ზოკიერთ აღავს ისინი ძალით მეტნი არიან, მაგრამ ჩვენ გამობრძედილ სამხედრო გამოწვეულ დახელოვნებით სულ მუდამ დავამარცხებთ ერთად-ერთი შინსი მათ ისა აქვთ, რომ ლამობენ ჩვენი ჯარამოგვიწამ-

ლონ თვის მოძღვრებით, მაგრამ ჩვენი ჯარი ჩვენი ერთგული და საბჭოკრთობაგანდას არ აპყვება. ჩემი სამშობლო ღირსია იმისი, რომ სოციალ რეფორმების გზით წარმატებისგან წავიდეს წინ. საჭიროა მხოლოდ დიდი შრომა ამ მიზნის მისაღწევათ. გერმანიასთან დამოკიდებულების შესახებ მთავარ სარდალი იმ აზრისაა რომ როგორც გერმანიას ისე პოლონეთს შეუდგენია დიდი პლანი აღდგენისა. თუ რომ გერმანია შეასრულებს კეთილ სინდისიერათ ზავის პირობებს მე ვერ ვხედავ მიზეზებს, ბრძანებს გენ. პილიუცკი რატომ არ უნდა ვიცხოვროთ მათთან კეთილ-განწყობილ მეზობლურ ცხოვრებით. რაც შეეხება ეკონომიურ მდგომარეობას გენ. პილიუცკიმ ბრძანა: ჩვენ გვესაჭიროება ტრანსპორტის მოწყობა. უამისოდ ჩვენი ეკონომიური განვითარება წინ ვერ წაიწვესო.

ხვათი მოსკოვში მომხდარ სვლილავაზე.

გაზ. „ნაშ კრაი“ ლენინობისთვის 11-ს იუწყება:

„ბათუმში მოსული სარწმუნო ცნობებით მოსკოვში მომხდარა დიდი ამბოხება საბჭოთა მთავრობის წინააღმდეგ.

ტროცკი და ლენინი ციხეში ჩაუსვამთ.

საბჭოთა მთავრობა მოსპობილია.

ეს ცნობა დამოწმებამდე სარწმუნოდ არ ჩაითვლება.“

დანიიონის რადიოსტაციის რამა მოსკოვის ევანგელისტისთვის.

ბათუმის რადიოსადგურმა ხელთ იგდო რადიო დეპეშა ლენინის მიმართული რუსეთისა და ევროპის პროლეტარიატისადმი, რომელშიც ნათქვამია რომ მოსკოვის ევანგელისტია აუცილებელია. ეს სხვანაირად არ უნდა იყოს მიღებული, კომუნისტები თავის ცენტრს გადიტანენ მხოლოდ ციმბირში (უფაში), ან თურანში და იქიდან თეთრებს დაემუქრებიან. ცხოვრების მსვლელობა ევროპას მიჰყავს ახალ რევოლიუციისაკენ და ამისთვის გამარჯვება ცალკე შემარჯვენე ჯგუფებისა, რუსეთში თუ ევროპაში, მხოლოდ დროული დასვენებაა თეთრებისა, რომელნიც აღგვილ იქნებიან დედამიწიდან მომავალ სოციალურ გარდაქმნის დროს.

ზარილი ოპრიზიდან.

ბევრი დაწერილია ოკრიბის შესახებ, ბევრიც დაიწერება, მაგრამ კალმით იმის გადმოცემა რაც უსაპართლობა ტყიბულის რკინის გზის ლიანდაგზე ხდება შეუძლებელი ხდება.

ცემა-ტყემა, შეურაცყოფა და ათასგვარი უსიამოვნება, აი ყოველივე ის რაც ამ ლიანდაგზე მიმსვლელ-მოსვლელთა თანამგზავრია.

როგორც საზოგადოებას და კიდევ

კონსტანტინის გზის უწყებას მოეხდებოდა. ვინები ივსება ოკრიბელი რკინის გზით, რომელნიც ქუთაისში სხვა სხვა საზოგადო მოემგზავრებიან. ეს გლეხები არიან ქუთაისიდან უკანვე, რომ ბრუნდებიან და რკინის გზას შემოსავალს აძლევენ. მაგრამ მიუხედავად ამისა რკინის გზის მოხელეების (კონდუქტორების) მიერ დიდი უწყობა ხდება. კალათებიან გლეხების მატარებელში შესვლის ნებას არ აძლევენ და უკიდეურეს შემთხვევაში გლეხებს ხელით შეურაცყოფისაც აყენებენ.

ამ გარემოებას ერთხელ და უკანასკნელად უნდა მიაქციოს ყარადღება ვინც ჯერ არს და კონდუქტორების თავხედობას ბოლო მოუღოს. რაც შეიძლება ბარგიანი გლეხების ვაგონებში შესვლას,—ეს თუ მაუხერხებელია, რკინის გზის მართვლობამ მატარებელს უნდა მოუბას განსაკუთრებული ვაგონები, სადაც ქუთაისში და უკანვე მიმავალი გლეხები თავისი ბარგით მოთავსდებიან.

**

ხსენებული რკინის გზა მეტად შეუსაბამოთ არის მოწყობილი ამ უამად. როგორც ვიცით ამ რკინის გზაზე არსებობს 4 სადგური: გელათის, ხრესილის, საწირის და ტყიბულის. არცერთ ხსენებულ სადგურზე იმდენი ხალხი არ სხდება მატარებელში, როგორც ეს არის ორპირის (ზედა კურსების) ბაქანზე. ამ ბაქანზე თავს იყრის თითქმის მთელი ოკრიბის მგზავრები და ცუდ ამინდებში ცის ქვეშ უხდებათ მატარებლის ცდა. მეორე მხრით ორპირი ცენტრი აღგვილია მთელი რაიონისა და მიტომ არის რომ სოფლების უმეტეს ნაწილს აქ უხდება თავის მოყრა: უნდა აღინიშნოს, რომ ტყიბულის ლიანდაგს მგზავრებიდან უმთავრესი შემოსავალი ორპირის ბაქანიდან აქვს. და აქ რომ სადგური დაარსდეს ტყიბულის რკინის გზის შემოსავალი ერთი ორად გაიზრდება. ამ გარემოებას დროზე უნდა მიექცეს ყურადღება, ხსენებულ აღგილას უნდა აიგოს სადგური.

**

ოკრიბის მხარეს გამოფხიზლება სწრაფი ნაბიჯით ეტყობა. ხალხმა შეიგნო სწავლა-განათლებლის მნიშვნელობა და ზრუნავენ, რომ თავიანთ შვილებს ცოდნა მისცენ. სოფლებში არსდება სკოლები და მოსწავლე ახალგაზრდებით ივსება პირველდაწყებითი სკოლები.

სულ პატარა სოფლებიც კი, სადაც მხოლოდ 30-40 კომლი გლეხი სცხოვრობს, შუამდგომლობენ, რომ სკოლები გაუხსნან.

სოფლების ასეთი მოთხოვნილება ნათლად ამტკიცებს, რომ ხალხში უკვე შეგნებაა, რასაც ანგარიში უნდა გაუწიოს სამაზრო ერობამ და ხალხის მოთხოვნილება დააკმაყოფილოს.

X.

გორესზონდენცია.

თერჯოლის საზოგადოება-მეცნიერებათა ინსტიტუტის არსებობის შესახებ

ხედავთ იმის, რომ თერჯოლის საზოგადოება ორჯერ აღგვინიშნავს პრესის საშუალებით ადმინისტრაციის უმოქმედობაზე, ზომები არავის მიუღია. ბოროტობა, უკანონობა და ცარცვა-გლეჯა ერთი ორად გაიზარდა. თავისუფლად ადამიანს ვერ ამოუსუნთქვამს. ძლიერ გვეზარებოდა ძველი დახვედრული რეგიმის პოლიტიკა. მოვესწარი იმ დროსაც როცა დამსხვრა ბორკილი ცარიზმისა. მაგრამ რას ვხედავთ დღეს, თავისუფლების ხანაში? მაშინ, როცა კრების სიტყვის და პრესის თავისუფლება აღიარებული, ადამიანს თავისუფლად ლაპარაკის ნებასაც კი არ აძლევენ თუ აღნიშნე უკანონობა ცხოვრებისა, უმოქმედობა მთავრობისა, სოფლად უსათუოდ პროვოკატორის ან რეაქციონერის სახელით უნდა მოგნათლონ. აქაური მოქალაქე ხედავს რომ ცხოვრება თანდათან უკან და უკან მიდის, უკანონობა სოფლად ძლიერდება სიძვირე ყოველივე საქონელზე იზრდება, რის გამოც ხალხი სასოწარკვეთილებაში ვარდება.

რასაკვირველია, ადმინისტრაციის სისუსტეს უნდა მიეწეროს, თერჯოლის საზოგადოებაში ცხოვრება თუ თანდათან ირევა გადამდებ სენათ შეიქმნა ქურდობა და თოფის სროლა.

ხუთშაბათს, ოქტომბრის 9-ს, თერჯოლაში ასტყდა სროლა.

„რა ამბავია ნეტავი“? ეკითხება ერთი მეორეს. მეორე მესამეს, მეოთხეს და ასე...

„არ ვიცი“, უპასუხებს ერთი, „დენიკინია, თუ ძველი კირიო, ის არ შემოგვეპაროს, ასე ამბობენ რუსეთში იმარჯვენსო, არ გაუწყრეს ღმერთი თერჯოლასაც არ მოადგეს, თორემ მზათ უნდა იყო მუხურისკენ გასაქცევადო“. გამოირკვა, რომ ეს ვაჟბატონები იყვნენ გვარდიელები და თავს იქცევდნ თოფის სროლით. ხალხი კი შიშის ზარმა აიტანა. (როცა ამ წერილს ვწერ, ღამის თორმეტი საათია და გარშემო თოფების გრიალია.) მიკვირს ღმერთმანი, გვარდიელებს ტყვია-წამალს ტყვილია აძლევენ, რომ ასე უთავბოლოდ ხარჯავენ? და თუ აძლევენ ანგარიშს არ მოსთხოვენ? რა გვარდიელია ის გვარდიელი, რომელიც ამხანაგებს თავს სჭრის, თვითონ კი თოფის სროლით თავს იქცევს, მაშინ როცა თვითუფლო ტყვია ძვირად ღირს საქართველოსათვის, როცა ირგვლივ და შიგნითაც აურაცხელი მტერი ასეგია!..

გ. გუთნურისპირელი.

რედაქტორი—სარედაქციო კალენგია.